

## FRAMKVÆMDARÁKVÖRÐUN FRAMKVÆMDASTJÓRNARINNAR

2015/EES/55/14

frá 8. október 2014

um breytingu á I. og II. viðauka við ákvörðun 2004/558/EB að því er varðar að samþykkja varnaráætlun til að útrýma smitandi nef- og barkabólgu í nautgripum í Belgíu og staðfestingu á því að sambandsríkið Thüringen í Þýskalandi hafi þá stöðu að það sé laust við smitandi nef- og barkabólgu í nautgripum

(tilkynnt með númeri C(2014) 7113)

(2014/703/ESB) (\*)

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af tilskipun ráðsins 64/432/EBE frá 26. júní 1964 um vanda á sviði heilbrigðis dýra sem hefur áhrif á viðskipti innan Bandalagsins með nautgripi og svín <sup>(1)</sup>, einkum 2. mgr. 9. gr. og 2. mgr. 10. gr.,

og að teknu tilliti til eftirfarandi:

- 1) Í tilskipun 64/432/EBE er mælt fyrir um reglur um viðskipti innan Sambandsins með nautgripi. Í 9. gr. hennar er kveðið á um að aðildarríki, sem er með lögboðna, landsbundna varnaráætlun að því er varðar einn þeirra smitsjúkdóma sem eru skráðir í II. þætti viðauka E við tilskipunina, sé heimilt að leggja áætlun sína fyrir framkvæmdastjórnina til samþykkis. Sú skrá nær yfir smitandi nef- og barkabólgu í nautgripum. Smitandi nef- og barkabólga í nautgripum er lýsingin á helstu klínisku einkennum sýkingar af völdum nautgripaherpesveiru af stofni 1 (e. *bovine herpes virus type 1*) (BHV1).
- 2) Í 9. gr. tilskipunar 64/432/EBE er einnig kveðið á um skilgreiningar á viðbótarábyrgðum sem kunna að vera nauðsynlegar í viðskiptum innan Sambandsins.
- 3) Auk þess er í 10. gr. tilskipunar 64/432/EBE kveðið á um að ef aðildarríki telur að yfirráðasvæði þess eða hluti af yfirráðasvæði þess sé laust við einn þeirra sjúkdóma sem eru tilgreindir í II þætti viðauka E við þá tilskipun eigi aðildarríkið að leggja viðeigandi gögn því til stuðnings fyrir framkvæmdastjórnina. Í þeirri grein er einnig kveðið á um skilgreiningar á viðbótarábyrgðum sem kunna að vera nauðsynlegar í viðskiptum innan Sambandsins.
- 4) Með ákvörðun framkvæmdastjórnarinnar 2004/558/EB <sup>(2)</sup> voru samþykktar áætlanir um varnir gegn og útrýmingu á nautgripaherpesveiru af stofni 1 sem aðildarríkin, sem eru skráð í I. viðauka við þá ákvörðun, lögðu fram fyrir svæðin sem eru skráð í þann viðauka og sem viðbótarábyrgðir gilda um í samræmi við 9. gr. tilskipunar 64/432/EBE.
- 5) Í II. viðauka við ákvörðun 2004/558/EB eru auk þess tilgreind þau svæði aðildarríkjanna sem teljast laus við nautgripaherpesveiru af stofni 1 og sem viðbótarábyrgðir gilda um í samræmi við 10. gr. tilskipunar 64/432/EBE.
- 6) Belgía hefur lagt fyrir framkvæmdastjórnina áætlun með það að markmiði að útrýma nautgripaherpesveiru af stofni 1 á öllu yfirráðasvæði sínu. Þessi áætlun er í samræmi við viðmiðanirnar sem settar eru fram í 1. mgr. 9. gr. tilskipunar 64/432/EBE. Í þessari áætlun er einnig kveðið á um reglur um innanlandsflutninga á nautgripum, sem eru sambærilegar þeim reglum sem var áður framfylgt í tilteknum aðildarríkjum eða á svæðum innan þeirra, þar sem tókst að útrýma sjúkdómnum.

Samþykkja ætti áætlunina sem Belgía lagði fram og viðbótarábyrgðirnar sem lagðar voru fram í samræmi við 9. gr. tilskipunar 64/432/EBE.

- 7) Því ber að breyta I. viðauka við ákvörðun 2004/558/EB til samræmis við það.

(\*) Þessi ESB-gerð birtist í Stjtið. ESB L 294, 10.10.2014, bls. 43. Hennar var getið í ákvörðun sameiginlegu EES-nefndarinnar nr. 36/2015 frá 20. mars 2015 um breytingu á I. viðauka (Heilbrigði dýra og plantna) við EES-samninginn, biður birtingar.

<sup>(1)</sup> Stjtið. EB L 121, 29.7.1964, bls. 1977/64.

<sup>(2)</sup> Ákvörðun framkvæmdastjórnarinnar 2004/558/EB frá 15. júlí 2004 um framkvæmd tilskipunar ráðsins 64/432/EBE um viðbótarábyrgðir, að því er varðar smitandi kverka- og barkabólgu í nautgripum, vegna viðskipta innan Bandalagsins með nautgripi og samþykkt áætlana um útrýmingu sjúkdómsins sem tiltekin aðildarríki hafa lagt fram (Stjtið. ESB L 249, 23.7.2004, bls. 20).

- 8) Öll svæði Þýskalands, að undanskildu sambandsríkinu Bæjaralandi, eru sem stendur skráð í I. viðauka við ákvörðun 2004/558/EB. Sambandsríkið Bæjaraland er laust við nautgripaherpesveiru af stofni 1 og er því skráð í II. viðauka við þá ákvörðun.
- 9) Þýskaland hefur nú lagt fyrir framkvæmdastjórnina gögn því til stuðnings að sambandsríkið Thüringen teljist laust við nautgripaherpesveiru af stofni 1 og um viðbótarábyrgðir í samræmi við 10. gr. tilskipunar 64/432/EBE.  
Í kjölfar mats á stuðningsgögnunum sem aðildarríkið lagði fram, ætti sambandsríkið Thüringen ekki að vera lengur á skrá í I. viðauka við ákvörðun 2004/558/EB en þess í stað skráð í II. viðauka við ákvörðunina og útvíkka ætti beitingu viðbótarábyrgðanna, í samræmi við 10. gr. tilskipunar 64/432/EBE, þannig að þær nái yfir sambandsríkið.
- 10) Því ber að breyta II. viðauka við ákvörðun 2004/558/EB til samræmis við það.
- 11) Því ber að breyta ákvörðun 2004/558/EB til samræmis við það.
- 12) Ráðstafanirnar, sem kveðið er á um í þessari ákvörðun, eru í samræmi við álit fastanefndarinnar um plöntur, dýr, matvæli og fýður.

SAMÞYKKT ÁKVÖRÐUN ÞESSA:

*1. gr.*

Í stað I. og II. viðauka við ákvörðun 2004/558/EB komi textinn í viðaukanum við þessa ákvörðun.

*2. gr.*

Ákvörðun þessari er beint til aðildarríkjanna.

Gjört í Brussel 8. október 2014.

*Fyrir hönd framkvæmdastjórnarinnar,*

Tonio BORG

*framkvæmdastjóri.*

\_\_\_\_\_

## VIÐAUKI

Í stað I. og II. viðauka við ákvörðun 2004/558/EB komi eftirfarandi:

## „I. VIÐAUKI

Aðildarríki	Svæði í aðildarríkjum þar sem viðbótarábyrgðir, að því er varðar smitandi nef- og barkabólgu í nautgripum, gilda í samræmi við 9. gr. tilskipunar 64/432/EBE
Belgía	Öll svæði
Tékkland	Öll svæði
Þýskaland	Öll svæði, að undanskildu sambandsríkinu Bæjaralandi og sambandsríkinu Thüringen
Ítalía	Héraðið Friuli-Venezia Giulia Héraðið Valle d'Aosta Sjálfstjórnarsýslan Trento

## II. VIÐAUKI

Aðildarríki	Svæði í aðildarríkjum þar sem viðbótarábyrgðir, að því er varðar smitandi nef- og barkabólgu í nautgripum, gilda í samræmi við 10. gr. tilskipunar 64/432/EBE
Danmörk	Öll svæði
Þýskaland	Sambandsríkið Bæjaraland Sambandsríkið Thüringen
Ítalía	Sjálfstjórnarsýslan Bolzano
Austurríki	Öll svæði
Finnland	Öll svæði
Svíþjóð	Öll svæði